

BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
Radna komisija o pitanjima
finansija i budžeta
Broj: 01/5 -193/99
Sarajevo, 11.1. 2000. god.

Z A P I S N I K
sa 5. sjednice Komisije o pitanjima finansija i budžeta
održane 11.januara 2000.godine

Sjednica je počela u 14 sati.

Sjednici Komisije su prisustvovali: Nikola Špirić, Pero Skopljak, Mustafa Pamuk, Milanka Bošnjak, Nedžad Branković i Suada Muminagić.

Odsustvovanje su pravdali: Vito Rakić, Edhem Bičakčić i Ivo Divković.

Ispred Vijeća ministar BiH sjednici su prisustvovali: Hajra Šaćić, Anton Rilli Josip Sočo.

Za sjednicu je usvojen sljedeći

D N E V N I R E D

1. Usvajanje zapisnika 4. sjednice Komisije o pitanjima finansija i budžeta;
2. Izvještaj o izvršenju Budžeta institucija BiH i međunarodnih obaveza BiH za period januar-septembar 1999.god.;
3. Razmatranje Prijedloga zakona o izvršenju Budžeta institucija BiH i međunarodnih obaveza BiH za 2000. godinu;
4. Razmatranje Budžeta institucija BiH i međunarodnih obaveza BiH za 2000. godinu;
5. Nacrt zakona o trezoru institucija Bosne i Hercegovine;
6. Davanje saglasnosti za ratifikaciju 12 sporazuma Pariškog Kluba povjerilaca:
 - a) Sporazuma između Vijeća ministara BiH i Finvere PLC;
 - b) Sporazuma o reprogramiranju 1998. između Vlade BiH i Edžport Development Corporation, Kanada;
 - c) Sporazuma I između Vijeća ministara BiH i Republike Austrije;
 - d) Sporazuma o reorganizaciji dugova između Vlade Francuske i Vlade BiH;
 - e) Bilateralnog sporazuma između BiH Companie Espanola se Seguros de Credito a la Exportacion o reprogramiranju spoljnog duga BiH;
 - f) Sporazuma između Vlade Kraljevine Danske i Vlade BiH o konsolidaciji duga BiH prema Kraljevini Danskoj;
 - g) Odluke o ratifikaciji ukupnog duga BiH prema Kraljevini Norveškoj;

- h) Sporazuma između Vijeća ministara BiH i Office National du Ducroire, koji djeluje kao odgovarajuća institucije Kraljevine Belgije;
- i) Sporazuma o reprogramiranju duga između Vijeća ministara BiH i Kraljevine Švedske;
- j) Sporazuma između Vlade BiH i Vlade Republike Njemačke o preuzimanju, smanjenju i konsolidaciji vanjskih dugova BiH;
- k) Sporazuma između Vlade SADA i Vijeća ministara BiH o konsolidaciji, oprostima i reprogramiranju dugova koji se duguju Vladi SADA;
- l) Sporazuma između BiH i Kraljevine Švajcarske o reprogramiranju duga BiH;
- lj) Sporazuma o poticanju i recipročnoj zaštiti investicija između BiH i Kraljevine Holandije;
- m) Sporazuma između BiH i Arapske Republike Egipat o poticanju i recipročnoj zaštiti investicija;
- n) Sporazuma o recipročnom unapređenju i zaštiti investicija između BiH i Vlade Države Katar.

Ad - 1

Zapisnik sa 4. sjednice Komisije usvojen je jednoglasno.

Ad -2

Izveštaj o izvršenju Budžeta institucija Bosne i Hercegovine i međunarodnih obaveza Bosne i Hercegovine za period januar-septembar 1999.godine

Uvodne napomene dali su Hajra Šaćić i Anton Rill ispred Vijeća ministara.

U diskusiji su učestvovali: Suada Muminagić, Mustafa Pamuk, Nedžad Branković i Nikola Špirić.

Komisija je razmotrila Izveštaj o izvršenju Budžeta institucija Bosne i Hercegovine i međunarodnih obaveza Bosne i Hercegovine za period januar-septembar 1999.godine na koji je imala sljedeće primjedbe:

- da se odvojeno vode materijalni troškovi i investicije, kako je to propisano Zakonom o izvršenju Budžeta;
- da sredstva nisu u visini planiranih sredstava koja se uplaćuju u Budžet od strane entiteta;
- da izvršenje Budžeta nije vršeno u skladu Zakonom o izvršenju Budžeta i Zakonom o administrativnim taksama BiH.

Sredstva doznačena DKP-ovima trošena su u većem iznosu od planiranih zbog čega Komisija, većinom glasova (4:2), predlaže dostavljanje obrazloženja o trošenju planiranih sredstava i da nadležni organi izvrše kontrolu.

Komisija je jednoglasno zaključila da izvršenje Budžeta institucija BiH za prvih devet mjeseci 1999. godine nije bilo u skladu sa Zakonom o izvršenju Budžeta i da korisnici budžeta nisu mogli u cjelini raspolagati sredstvima predviđenim za njihov rad.

Izveštaj, većinom glasova (4:1) sa navedenim primjedbama i sugestijama, nije prihvaćen.

Ad -3.

Zakon o izvršenju Budžeta institucija BiH i međunarodnih obaveza BiH za 2000. godinu

U diskusiji su učestvovali Suada Muminagić i Nikola Špirić.

Primjedbe se odnose: da se u članu 1. brišu riječi: "i način izvršenja Budžeta"; u članu 3. stav 2. na kraju brisati tačku i dodati riječi: "Parlamentarna skupština BiH i Predsjedništvo BiH"; u članu 4. brisati alineju "Vanjske dotacije i donacije";, u članu 12. navesti ko raspolaže tekućom rezervom uz sugestiju podnošenja dvanaestomjesečnog izvještaja Parlamentarnoj skupštini BiH; . u članu 13. iza riječi "radnike" dodaje se riječ "i poslanici".

Komisija predlaže Predstavničkom domu da Zakon o izvršenju Budžeta institucija Bosne i Hercegovine i međunarodnih obaveza BiH za 2000. godinu razmatra u formi nacrta.

Ad -4

Budžet institucija Bosne i Hercegovine i međunarodnih obaveza Bosne i Hercegovine za 2000. godinu

U diskusiji su učestvovali: Nikola Špirić, Suada Muminagić, Pero Skopljak i Mustafa Pamuk.

Primjedbe i sugestije su sljedeće:

- da se odvojeno vode materijalni htroškovi i investicije u Budžetu kod svakog korisnika Budžeta;
- da se sredstva za rad Parlamentarne skupštine BiH povećaju na uštrb sredstava predviđenih za rad Kabineta Predsjedništva BiH i Vijeća ministara BiH i da se izvrši unutrašnja preraspodjela ravnomjerno unutar institucija;
- da je predviđeni iznos za pomoć izbjeglim i raseljenom licima nedovoljan i predlaže njegovo povećanje.

Komisija je zaključila da Budžet institucija BiH i međunarodnih obaveza BiH za 2000. godinu može poslužiti kao osnova za izradu prijedloga uz razmatranje datih prijedloga i sugestija.

Komisija predlaže Predstavničkom domu da Budžet institucija Bosne i Hercegovine i međunarodnih obaveza Bosne i Hercegovine za 2000. godinu razmatra u formi nacrta.

Ad -5

Nacrta Zakona o trezoru institucija Bosne i Hercegovine

Anton Rill je napomenuo da bi se ovim zakonom objedinio rad Sektora za budžet i servisiranje vanjskog duga.

Komisija je većinom glasova (4:1) zaključila da se o navedenom zakonu ne vodi rasprava dok se ne utvrdi da li postoji ustavni osnov za njegovo donošenje od strane Parlamentarne skupštine BiH.

Ad - 6

Davanje saglasnosti za ratifikaciju 12 sporazuma Pariškog kluba povjerilaca i 3 sporazuma o recipročnoj zaštiti investicija

Uvodne napomene ispred predlagača za 12 sporazuma Pariškog kluba povjerilaca dao je Josip Sočo.

Komisija predlaže Predstavničkom domu da donese Odluku o davanju saglasnosti za ratifikaciju:


- a) Sporazuma između Vijeća ministara BiH i Finvere PLC;
- b) Sporazuma o reprogramiranju 1998. između Vlade BiH i Edžport Development Corporation, Kanada;

- c) Sporazuma I između Vijeća ministara BiH i Republike Austrije;
- d) Sporazuma o reorganizaciji dugova između Vlade Francuske i Vlade BiH;
- e) Bilateralnog sporazuma između BiH Companie Espanola se Seguros de Credito a la Edžportacion o reprogramiranju spoljnog duga BiH;
- f) Sporazuma između Vlade Kraljevine Danske i Vlade BiH o konsolidaciji duga BiH prema Kraljevini Danskoj;
- g) Odluke o ratifikaciji ukupnog duga BiH prema Kraljevini Norveškoj;
- h) Sporazuma između Vijeća ministara BiH i Office National du Ducroire, koji djeluje kao odgovarajuća institucije Kraljevine Belgije;
- i) Sporazuma o reprogramiranju duga između Vijeća ministara BiH i Kraljevine Švedske;
- j) Sporazuma između Vlade BiH i Vlade Republike Njemačke o preuzimanju, smanjenju i konsolidaciji vanjskih dugova BiH;
- k) Sporazuma između Vlade SADA i Vijeća ministara BiH o konsolidaciji, oprostima i reprogramiranju dugova koji se duguju Vladi SADA;
- l) Sporazuma između BiH i Kraljevine Švajcarske o reprogramiranju duga BiH;
- lj) Sporazuma o poticanju i recipročnoj zaštiti investicija između BiH i Kraljevine Holandije;
- m) Sporazuma između BiH i Arapske Republike Egipat o poticanju i recipročnoj zaštiti investicija;
- n) Sporazuma o recipročnom unapređenju i zaštiti investicija između BiH i Vlade Države Katar.

Komisija je zaključila da u međunarodnim sporazumima u skladu sa Ustavom BiH kao ugovorna strana "Vlada BiH" zamjeni sa "Vijeće ministara BiH".

Sjednica je završila u 16.30 sati.

SEKRATAR
Emira Češljarić



PREDSJEDAVAJUĆI
dr. Nikola Špirić

